



Na osnovu člana 35. Zakona o izvršavanju Budžeta Zeničko-dobojskog kantona za 2021. godinu. („Službene novine Zeničko-dobojskog kantona“, broj: 7/21), kao i člana 6. Programa utroška sredstava sa Tekućeg Transfera za sport, Broj: 02-11-5086/21, od 12.04.2021. godine, Ministarstvo za obrazovanje, nauku, kulturu i sport Zeničko-dobojskog kantona raspisuje:

JAVNI POZIV

Za dostavljanje prijava za dodjelu sredstava za sport iz Budžeta Zeničko-dobojskog kantona za 2021. godinu.

I.

Raspisuje se Javni poziv za dostavljanje prijava za dodjelu sredstava iz Budžeta Zeničko-dobojskog kantona za 2021. godinu sa pozicije „Transfer za sport“ u skladu sa članom 35. Zakona o izvršavanju Budžeta Zeničko-dobojskog kantona za 2021. godinu. („Službene novine Zeničko-dobojskog kantona“, broj: 7/21), kao i članu 6. Programa utroška sredstava sa Tekućeg Transfera za sport, Broj: 02-11-5086/21, od 12.04.2021. godine.

II.

Raspodjela sredstava za sufinansiranje aktivnosti u oblasti sporta vršit će se prema Programu utroška sredstava Ministarstva za obrazovanje, nauku, kulturu i sport, u razdjelu 22, Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001, ekonomski kod 614300, sa pozicije „Transfer za sport“, Broj: 02-11-5086/21, koji je usvojila Vlada Zeničko-dobojskog kantona na svojoj 102. sjednici, održanoj 12.04.2021. godine.

III.

(1) Nosioци sportskih aktivnosti na Zeničko-dobojskom kantonu mogu podnijeti prijavu ako ispunjavaju slijedeće uslove:

- a) da imaju sjedište na području Zeničko-dobojskog kantona,
- b) da su registrovani u skladu sa zakonom **prije 31. 12. 2019. godine**,
- c) da su izmirili svoje obaveze po osnovu poreza i obaveznih doprinosa.

(2) Nosioци sportskih aktivnosti u smislu stava 1. ovog člana su:

- a) sportski klubovi,
- b) sportski savezi,
- c) strukovni-granski savezi,
- d) sportska društva,
- e) sportski klubovi i sportska udruženja osoba sa invaliditetima,
- f) sportska udruženja i drugi pravni subjekti koji obavljaju djelatnost iz područja tjelesnog odgoja ili sporta uz ispunjavanje uslova iz člana 6. Zakona o sportu Zeničko-dobojskog kantona („Službene novine Zeničko-dobojskog kantona“, broj: 6/17),
- g) istaknuti i perspektivni sportisti pojedinci/reprezentativci (**putem klubova**).

IV.

Prijavu za dodjelu sredstava mogu podnijeti nosioci sportskih aktivnosti iz člana III. ovog poziva čije se aktivnosti odnosno programi odnose na:

- a) učestvovanje na službenim takmičenjima:
 1. učestvovanje na prvenstvenim takmičenjima po propozicijama i sistemima koje utvrđuju i provode legitimni granski savezi na najvišem postojećem nivou (**kantonalni savezi za kantonalna takmičenja, Federalni savezi za federalna takmičenja ili državni savezi za državna takmičenja**).
 2. učestvovanje na službeno priznatim međunarodnim takmičenjima organizovanim od strane sportskih organizacija koje su dio zajednice Olimpijskog/Paraolimpijskog komiteta,
- b) sportske aktivnosti i takmičenja za osobe sa invaliditetom,
- c) vannastavne sportske aktivnosti i takmičenja učenika osnovnih i srednjih škola, vannastavne sportske aktivnosti i takmičenja studenata,
- d) pripreme i takmičenja sportista koji su aktuelni članovi reprezentativnih selekcija Bosne i Hercegovine.

V.

Svi podnosioci prijave za dodjelu sredstava u vezi sa aktivnostima iz člana IV. tačke a), b), c), obavezani su dostaviti slijedeću dokumentaciju:

1. Ispravno popunjen **prijavni obrazac**:
 - sportski klubovi popunjavaju prijavni **obrazac br. 1**,
 - sportski savezi/asocijacije popunjavaju prijavni **obrazac br. 2-a**,
 - strukovni-granski savezi popunjavaju prijavni **obrazac br. 2-b**,
 - sportska društva popunjavaju prijavni **obrazac br. 2-c**,
 - sportska i druga udruženja koje provode sportske aktivnosti popunjavaju **obrazac br. 5**Prijavni obrasci kao i tekst ovog javnog poziva mogu se preuzeti na web stranici Zeničko-dobojskog kantona: www.zdk.ba/javni-pozivi. Popunjen prijavni **obrazac br. 1** za sportske klubove **mora biti ovjeren i potpisan** od strane odgovarajućeg granskog sportskog saveza najvišeg ranga, u skladu sa rangom takmičenja. Obrazac br. 1. koji ne ovjeri odgovarajući granski sportski savez za odgovarajući rang takmičenja **smatrat će se nevažećim**.
2. Program sportskih aktivnosti za 2021. godinu, odnosno aktivnosti u kojima će sportski kolektiv učestvovati ili ih organizovati (olimpijske igre, svjetska/evropska/balkanska prvenstva/kupovi, međunarodne lige/kupovi, učešće na značajnim međunarodnim turnirima, organizacija tradicionalnih međunarodnih turnira i organizacija završnica državnih prvenstava/kupova).
3. Izvod/Izvadak iz Registra udruženja koji nije stariji od tri mjeseca (dokument izdaje Ministarstvo za pravosuđe i upravu Zeničko-dobojskog kantona).
4. Uvjerenje o poreznoj registraciji (ID broj).
5. Potvrdu poslovne banke o vlasništvu i broju transakcijskog računa i da isti nije blokiran (potvrda ne smije biti starija od mjesec dana).
Pored gore navedenih sportskih organizacija, ovu potvrdu **obvezni su dostaviti i aplikanti pojedinci**.
6. Popunjen obrazac br. 3 Izvještaj o namjenskom utrošku sredstava dobivenih iz Budžeta Kantona u 2020. godini (obrazac se može preuzeti na web stranici Kantona: www.zdk.ba/javni-pozivi).
7. Službenu/zvaničnu bilansu stanja i bilansu uspjeha za 2020. godinu ovjerenu od ovlaštene agencije.
8. Potvrdu Sportskog saveza općine/grada ili općinske/gradske službe zadužene za oblast sporta o redovnim sportskim aktivnostima.

Dostavljanje navedenih dokumenata obavezno je za svakog podnosioca prijave bez obzira je li prethodnih godina dostavljao traženu dokumentaciju.

VI.

Prijave za dodjelu finansijske pomoći pojedincima sportistima iz člana IV. tačka d) ovog poziva podnose se isključivo na prijavnom **obrascu br. 4** za dodjelu finansijske pomoći sportistima pojedincima (može se preuzeti na web stranici Kantona: www.zdk.ba/javni-pozivi).

Prijave sportista u bilo kojoj drugoj formi osim u formi navedenog obrasca kao i prijave koje nisu ovjerene od strane selektora ili trenera odgovarajuće reprezentativne kategorije BiH neće se uzimati u razmatranje.

Uz obrazac broj 4 podnosioc prijave prilaže i obrazac broj 3 Izvještaj o namjenskom utrošku sredstava dobivenih iz Budžeta kantona za 2020. godinu (obrazac br. 3 može se preuzeti na web stranici Kantona : www.zdk.ba/javni-pozivi).

Sportisti pojedinci koji nisu dobili sredstva iz Budžeta Kantona za 2020. godinu također trebaju dostaviti potpun obrazac broj 3 izvještaja o namjenskom utrošku sredstva s tim da će u odgovarajuće rubrike napisati da nisu dobili planirana sredstva.

Također je potrebno da uz popunjeni obrazac br. 4 pojedinci pošalju i **Potvrdu poslovne banke** o vlasništvu i broju transakcijskog računa i da isti nije blokiran (potvrda ne smije biti starija od mjesec dana).

VII.

Prijave klubova, drugih organizacija i pojedinaca koji su bili uvršteni u Program utroška sredstava za sport za 2020. godinu a koje ne budu sadržavale potpun obrazac izvještaja o namjenskom utrošku svih sredstava dobivenih iz Budžeta Zeničko-dobojskog kantona za 2020. godinu **neće se uzeti u razmatranje** za dodjelu sredstava za 2021. godinu.

Također se neće uzeti u razmatranje ni one sportske organizacije ili pojedinci koji nisu opravdali sredstva iz prethodnih godina.

Sportski klubovi, organizacije i pojedinci koji nisu dobili sredstva iz Budžeta Kantona za 2020. godinu također trebaju dostaviti potpun obrazac izvještaja o namjenskom utrošku sredstva s tim da će u odgovarajuće rubrike napisati da nisu dobili planirana sredstva.

Korisnici sredstava dužni su u svojim arhivama posjedovati i čuvati finansijske dokumente kojima se dokazuje utrošak sredstava te su obavezni, na zahtjev Ministarstva i drugih nadležnih organa, dostaviti iste na uvid.

VIII.

Za sufinansiranje posebnih sportskih priredbi i manifestacija koje ne spadaju u sezonska takmičenja (kvalifikacijski turniri, tradicionalni turniri, memorijalni turniri, sportski mitinzi, kup takmičenja, sportsko-rekreativne akcije itd) klubovi i druge sportske organizacije dužni su dostaviti u **formi obrasca broj 5** koji se može preuzeti na web stranici Kantona : www.zdk.ba/javni-pozivi).

Projekti za sufinansiranje organizacije sportskih priredbi i manifestacija međunarodnog karaktera koji ne budu sadržavali dokumente propisane odredbama člana 54. Zakona o sportu u BiH (Službeni glasnik BiH“ broj 27/08, 102/09 i 66/16), **neće biti uzeti u razmatranje.**

IX.

Javni poziv ostaje otvoren 30 dana od dana objavljivanja. **Krajni rok za dostavljanje prijava je 22.05.2021. godine.**

Prijave za Javni poziv sa potrebnom dokumentacijom dostaviti putem pošte u zatvorenoj koverti sa naznakom „za Javni poziv za dostavljanje prijava za dodjelu sredstava za sport iz Budžeta Zeničko-dobojskog kantona za 2021. godinu” na adresu:

**Zeničko-dobojski kanton
Ministarstvo za obrazovanje, nauku, kulturu i sport
Kučkovići 2, 72000 Zenica**

Važna napomena:

Obrasce koji se ne popunjavaju elektronski treba popunjavati isključivo hemijskom olovkom u boji (osim crne).

Popunjene obrasce treba potpisati također isključivo hemijskom olovkom u boji (osim crne).

Pečati na obrascima i ostaloj dokumentaciji gdje je potrebno moraju biti originalni i otisnuti tintom u boji. Obrasci sa skeniranim i kopiranim pečatima i potpisima neće biti uzeti u razmatranje.

Nepotpune, nepotpisane, neovjerene i zakašnjele prijave neće se uzeti u razmatranje.

Također neće biti uzeti u razmatranje aplikanti koji nisu postupili prema uputstvu Ministarstva za obrazovanje, nauku, kulturu i sport Zeničko-dobojskog kantona broj: 10-11-427-1-1/20 od 28.07.2020. godine, odnosno nisu uskladili svoj naziv i djelatnost u skladu sa odredbama Zakona o sportu.

MINISTARSTVO ZA OBRAZOVANJE, NAUKU, KULTURU I SPORT ZENIČKO-DOBOJSKOG KANTONA



Bosna i Hercegovina, Zenica, Kučukovići br. 2

Tel: 032/460-840, fax: 460-842

e-mail min.obrazovanje@zdk.ba